



Äntwert vum Här Sportsminister Georges Mischo op d'parlamentaresch Fro n°2856 vum 10.09.2025 vum honorabelen Deputéierten Sven Clement

1° Am Budget 2025 sinn insgesamt 2,2 Mio € fir de Congé sportif virgesinn, mat sécherlech enger grousser Unzuel vu Stonnen am Kontext vun de Spiller vun de kleng Länner. Wat allerdéngs den „congé sportif administratif“ ubelaangt, dee jo geduecht ass fir déi benevole Aarbecht vun de Comitésmemberen aus de Verbänn an de Veräiner ze valoriséieren, stellt sech d'Fro ewéi hei dem Sportsministère seng Kommunikatioun am Joer 2025 ausgesäit. Et fällt op, dass um Site <https://sports.public.lu/fr.html> weder am Joer 2024, nach am Joer 2025, eng Circulaire un d'Sportverbänn respektiv un hier Veräiner gaangen ass.

Ass de Minister net der Meenung, dass aus Transparenzgrënn des offiziell Kommunikatioun mat de Verbänn misst um geleeefegen Internetsite rëmzefanne sinn, esou dass och d'Verbänn an hier Veräiner dëst zu all Moment consultéiere kéinten?

Am Kader vum Gesetz vum 21. Juli 2023 betreffend ënner anerem Neierungen vum Congé sportif gouf direkt am Juli 2023 eng Informatiounsversammlung fir d'Federatiounen organiséiert wou d'Ännerungen vum Congé sportif am Detail erkläert goufen.

Den 13.12.2023, kuerz virum Akraafttrieden vun dësen Ännerungen ass eng Circulaire un déi agreéiert Federatiounen gemailt ginn wou nach emol des Ännerungen erkläert ginn sinn.

De Sportsministère ass weiderhin a reegelméissegem Austausch mat den Federatiounen wou och de Congé sportif en Thema ass.

Am Kader vun der Campagne 'Gamechangers' gouf et 2 Visio-Versammlungen am Januar an Juni 2025 wou den Congé sportif am Beräich vum Benevolat, also och deen fir cadres administratifs präsentéiert gouf.

All d'Informatiounen zum Congé sportif sinn disponibel op der Homepage vum Sportsministère <https://sports.public.lu>. Hei sinn och all déi offiziell Circularen erëm ze fannen.

2° Wäer et net ubruecht, zumools am Sënn vun der Stäerkerung vum Benevolat, elo an der Rentrée am September esou eng Circulaire all de Verbänn an all hire Veräiner zoukommen ze loossen an se dann och op dem uewegenannte Site ze publizéieren?

All Informatiounen zum Congé sportif sinn um uewen genannten Site ze fannen.

3° De 25. Juni 2025 war an dësem Kontext ee sougenannten „Gamechangersevent“ a Präsenz vum Sportminister a vum Familljeminister, mat der Präsentatioun vum „Guide fir



Benevolatskoordinatioun am Sportsveräin“. Fir dësen Event konnten d’Participant Congé sportif ufroen.

- **Wéi vill Léit hu fir dëst Event Congé sportif ugefrot?**
Insgesamt 19 Leit hunn fir dëst Event, dat den 18. Juni 2025 statt fonnt huet, Congé sportif ugefrot.
- **Wéi vill Stonne Congé sportif sinn hei pro Participant vum Sportminister accordéiert ginn a wéi vill huet dëst am Total ausgemaach?**
All Participant konnt en hallwen Dag Congé sportif accordéiert kréien.
- **Konnte Participant vum 1. Event an dësem Kontext de 25. Juni 2024 och Congé sportif ufroen? Op wat fir eng legal Basis huet sech de Sportminister bezu fir des Diskussiounsrönn mat walking lunch als Measure fir de Congé sportif unzeerkennen?**
Jo, och 2024 konnten d’Participanten Congé sportif ufroen fir dëst Event. Déi legal Basis ass dat modifizéiert Gesetz vum 3 August 2005 betreffend den Sport an d’Evenement ass ënnert de Kader vun enger “formation continue” gefall.

4°. Konnten d’Participant vun de villen Evenementer an tables rondes an der Maison du Luxembourg zu Paräis och vum Congé sportif profitéieren?

- **Wann jo, wéi vill Stonne sinn hei zesummekomm?**
- **Wa nee, firwat war dëst net de Fall?**

Neen, well dat net an de Kader vun enger Formatioun gefall ass

5° Kann de Minister präziséieren, ob am „Guide fir Benevolatskoordinatioun am Sportsveräin“ och iwwert den “congé sportif” riets geet?

- **Wa jo, wéi gött hei iwwert de Congé sportif informéiert?**
- **Wa nee, firwat net?**
- **Am Fall wou de Congé sportif net an dësem Guide thematiséiert géif ginn, wei erkläert sech de Sportminister dëst, wou dach dëse Guide ebe fir d’Léit aus de Verwaltungsreit vun de Sportsveräiner geduecht ass, fir hier Benevole ze valoriséiere respektiv néi Benevole ze fannen?**

Nee, am Guide geet net iwwert de Congé sportif riets.

Am Guide geet et em de Rôle vum Benevolatskoordinator, a wéi eng Tâchen dëse Rôle mat sech bréngt. Et geet also em operativ an organisationell Ëmsetzungsschrëtt, déi keng finanziell Mëttel erfuerderen. De Guide ass ee prakteschen Tool fir Leit aus Sportsveräiner, mam Zil fir d’Zesummenaarbecht an de Veräiner besser ze strukturéieren a Benevollen nohalteg a laangfristeg ze bannen.

6° Kann de Minister präziséiere wéi vill dëse Guide kascht huet?

Mat dem Layout an dem Drock huet dëse Guide 14.000 € kascht.

7° An senger Äntwert op meng Fro n°2249 huet de Sportminister, am Kontext vum Congé sportif, eng Applikatioun iwwert MyGuichet fir viraussichtlech Juli 2025 ugekënnegt.

- **Ass des Applikatioun schon disponibel?**
- **Wann jo, wéini gedenkt de Minister heiriwwer ze kommunizéieren?**



- **Wa nee, wéini soll dës Applikatioun disponibel sinn?**

Des Applikatioun ass leider nach net disponibel. Den CTIE ass a permanentem Kontakt mat mengen Servicer fir des zäitno ze finaliséieren.

Lëtzebuerg, den 09.10.2025

De Sportsminister
(s.) Georges Mischo